

Headline	FRIM tawar kepakaran, pemeriksaan		
MediaTitle	Berita Harian		
Date	07 Mar 2018	Color	Full Color
Section	Nasional	Circulation	125,514
Page No	18	Readership	947,000
Language	Malay	ArticleSize	97 cm <sup>2</sup>
Journalist	N/A	AdValue	RM 3,344
Frequency	Daily	PR Value	RM 10,031



## FRIM tawar kepakaran, pemeriksaan

**Kuala Lumpur:** Institut Penyelidikan Perhutanan Malaysia (FRIM) menawarkan kepakarannya kepada pihak berkuasa tempatan (PBT) untuk memeriksa pokok berusia yang berisiko tumbang.

Menteri Sumber Asli dan Alam Sekitar, Datuk Seri Wan Junaidi Tuanku Jaafar, berkata ia bagi mengelak insiden pokok Hujan-Hujan yang tumbang dan nyaris menghempap sepasang suami isteri di Jalan Ampang di sini, pagi semalam, daripada berulang.

Katanya, FRIM sedia menawarkan khidmat nasihat, perundingan teknikal dan latihan dalam pemeriksaan bagi mengenal pasti sama ada pokok ditanam di kawasan bandar, berisiko untuk tumbang.

“Saya harap PBT di seluruh negara datang berbincang dan kami sedia membantu memantau pokok ditanam dalam kawasan mereka, seperti dilaksanakan FRIM di Putrajaya.

“FRIM juga memiliki kepakaran dan peralatan untuk melatih kakitangan PBT dan kontraktor mereka untuk menjalankan pemeriksaan pokok serta penyelenggaraan berkala dengan lebih sistematik dan mengikut amalan terbaik arborikultur,” katanya pada sidang media di Parlimen, semalam.